

au mariage ou par avant le mariage quant le mary ou  
la femme sont mortz tous deux le mari et ses hoirs s'ont  
tenus a aquiter et a desdommaiger la femme et ses hoirs  
a l'effrayant quilz prendent es meubles ou es heritaiges  
ou cas que les meubles ne pourroient fournir a aquiter  
les debtes car si la femme ou ses hoirs relinquissent  
es meubles creantz ou celles qui le peuvent faire le mary  
ou ses hoirs sont tenus a aquiter la femme ou ses hoirs  
Et non obstant que la femme ou ses hoirs relinquissent  
es meubles comme dit est que faire le peuvent si prendent  
ilz es conquestz que ilz auroient fait durant le mariage  
de ventre mat comme il est dit ailleurs qui se doibuent  
despartir moitie par moitie entreulx. Et non obstant q  
la femme ou ses hoirs aient relinque es meubles et qlz  
aient en leurs pars des conquestz si le mari luy auoit  
fait ventre son heritaige le mary ou ses hoirs sont tenus  
a les desdommaiger elle et ses hoirs sur celui au ma  
ry ou a ses hoirs parsonnet ce que la femme ou ses  
hoirs auroient en leurs pars des conquestz. appeller  
ceulx qui sont a appeller deument deuant la iustice a q  
la iugement appartient

**C** De ceulx qui ne se veullent faire hoirs aux des  
functz  
**III C XVII**  
Et il appartient a ceulx et a chascun qui doibuent  
estre hoirs a aucune personne il leur leist a reli  
quer et arrester a leur eschaite. et peuvent faire pro  
testacion que ou cas que il aura des meubles demourat  
en des heritaiges du defunct les debtes poies que le de  
funct doibuent tourner a ceulx. Et aussi ou cas q  
il y auoit par quoy les debteurs fussent poiez que ceulx

es hoirs au defunct ne deuroit encourre. et prouent en  
querre la protestacion faite come parime les meubles  
et tous les aultres biens du defunct ala iustice et en  
faire inuentoire deuant la iustice ou deuant son com  
missaire pour en poyer les debteurs par leur main ou  
cas quil ny aburoit executeurs ou executeur. Et si y a  
voit executeurs ilz en pouroient ouir le conte si leur  
plaisoit et si y auoit du demourant les debtes poies  
et le testament accompli et l'obsequie il deuroit tourner  
es hoirs pour tant quilz en eussent fait protestacion  
car il est de raison que les hoirs au defunct apent plus  
tost ses biens sil en demouroit que plus estrange veult  
ou cas quilz ne les relinquioint et quilz ny auroient  
renuencie. car sil y auoit aulecun qui deust estre hoir  
au defunct qui relinquit et qui renuenciat a l'eschaite  
le prochain hoir dempres lui pouroit sil vouloit accep  
ter l'eschaite et aussi des aultres ensuiuans.

**C** Des condempnations qui sont faictes contre pro  
cureurs tuteurs curateurs executeurs administrateurs  
tresoriers sergens et receueurs  
**III C XVIII**  
Quant procureurs tuteurs curateurs administrate  
urs tresoriers sergens et receueurs ou aultres  
deulx sont condempnez pour le fait de ceulx ou de celles  
pour qui ilz sont condempnez et dont ilz sentremettent  
l'execution ne doit pas estre faicte sur leurs personnes  
ne sur leurs biens mais elle doit estre faicte sur les biens  
de celui ou a ceulx pour qui ils sentremettent ou cas q  
ils ne seroient tenuz ne obligez par aultre voye ou en fait  
comme ilz seroient tenuz a celui pour qui ilz seroient  
condempnez et aussi ou cas que partie seroit condempnez